



**Служба
Пресвятей Владычице
нашей Богородице
ради иконы Ея
Владимирской-Десятинной**



*Схвалено Священним Синодом
Української Православної Церкви*

*З благословення
намісника Десятинного монастиря
Різдва Пресвятої Богородиці
архімандрита Климента (Шмигельського)*

Працею протодиякона Антонія Коваля

Київ 2024



В пяток Светлая седмица
Служба Пресвятей Богородице ради
иконы Ея Владимирской-Десятинной

Творим бдение.

В ЧЕТВЕРТОК ВЕЧЕРА

На Господи воззвах поставим стихир 10.

И поём стихирны воскресны осмогласника 3, глас 6:

Побѣду имѣя Христѣ, юже на ада, на Крѣст
возшѣл еси: да во тьмѣ смѣрти седящия вос-
кресиши с Собою, иже в мѣртвых свободь,
источаяй живот от Своего света, Всесильне
Спасе, помилуй нас.

Днесь Христос смѣрть поправ, якоже рече,
воскресе, и радование мiрови дарова, да
вси взывающе, пѣснь тако рцѣм: источниче
жизни, неприступный свете, Всесильне Спасе,
помилуй нас.

Тебѣ Господи, сущаго по всей твари, грѣш-
нии камо бежим? На небеси Сам живѣши, во

аде попрал еси смерть, во глубины морския?
тамо рука твоя Владыко. К Тебе прибегаем,
Тебе припадающе молимся: воскресый из
мертвых помилуй нас.

Иныя стихыры восточны 3, глас тойже:

Крестом Твоим Христе хвалимся, и воскресение
Твое поем и славим: Ты бо еси Бог наш.
Разве Тебе иного не ве́мы.

Слава силе Твоей Господи, яко упразднил
еси державу имущаго смерти, обновил еси ны
Крестом Твоим, даруяй нам жизнь и нетление.

Вину благословяще Господа, поем воскресение
Его: Крест бо претерпев, смертью смерть
погуби.

И Богородице стихыры 4, глас 1:

Веселися, обитель Десятинная, радуй-
теся, сущии во граде Киеве и повсюду вер-
нии: общая бо всех Заступница восхотé быти
скóрая молящихся Попечительница, великия
ради Своея милости.

Богоизбранная Дево и Небес Царице, иноков
необоримый покрове и всех христиан непо-
стыдное прибежище, храни жребий Твой, Киев
и вся грады, веси и обители православныя
невредимы от враг видимых и невидимых, и

всех нас заступі и спасі, великія ради Твоея мѣлости.

Прізри с Небесѣ, Богородице, на предстоящія пред святою иконою Твоею Десятинною и Тебѣ с вѣрою призывающія, и благодать Твою ниспослі нам, да богоугодно поприще жѣзни нашея прѣйдем, и да сподобимся Твоим ходатайством от Сына Твоего пріяти велию мѣлость.

Кѣе достѣйное благодарѣние принесѣм Ти, Богоизбранная Приснодѣво, за мнѣжество дарѣв Твоего милосѣрдия, являемаго с вѣрою к Тебѣ прибегающим? От иконы бо Твоея Десятинныя тѣки благодати источаеши, недуги душ и телѣс врачуеши, и избавляеши от бед, молящися Бѣгу прісно о всех нас.

Слава, глас 6:

Тебѣ вси рѣди челоуѣчестии хвальныя дары принѣсят, Владычице, и молятся яко Царѣце и Матери Бѣжией. Пророцы Тя премудро проповѣдаша, апѣстоли и мученицы исповѣдаша, властители поклоняются, архиерее благословят, монаси и прѣстии благоговѣют, богати и убѣзии, сѣроты и вдѣвы, и всяк вѣзраст, и всяко преспѣяние, старческое и младѣнческое,

под кров Твой державный с верою прибегаем: покрый и соблюди, Госпоже, молитвами Твоими, и спаси от бед души наша.

И ныне, догматик, глас 6-й:

Кто Тебе не ублажит Пресвятая Дево? кто ли не воспоет Твоего пречистаго Рождества? безлетно бо от Отца возсиявый Сын Единородный: Тойже от Тебе Чистая пройдет, неизреченно воплощся. Естеством Бог сый, и естеством быв Человек нас ради: не во двою лицу разделяемый, но во двою естеству неслитно познаваемый. Того моли Чистая Всеблаженная, помилватися душам нашим.

Вход с кадилом. Свете тихий.

Прокимен великий Триоди, глас 7: Возлюблю Тя, Господи: И чтения три.

Бытия чтение.

Изыде Иаков от студенца клятвеннаго и иде в Харрань. И обрете место, и спал тамо: зайдет бо солнце, и взят от камня места того, и положил возглавие себе, и спал на месте оном. И сон виде. И се лествица, утверждена на земли, еяже глава дозидаше до небес, и Ангели Божии восходяху и низходяху по ней. Господь же утверждашеся на ней и рече: Аз

Бог Авраáмов, отцá твоегó, и Бог Исаáков, не бóйся: земля, идéже ты спíши на ней, тебé дам ю и сéмени твоemu. И б́удет сéмя твоe, я́ко песóк земн́ый, и распростран́ится на мóре, и л́иву, и сéвер, и на востóки; и возблагослов́ятся о тебé вся колéна земн́ая и о сéмени твоeм. И се Аз с тобóю, сохраня́яй ты на всяком пут́и, áможе áще по́йдеши. И возвращу́ ты в зéмлю сию́, я́ко не íмам тебé оста́вити, дóндеже сотвор́ити Ми вся, е́лика глаго́лах тебé. И востá Иáков от сна своегó, и рече́: я́ко есть Госпóдь на мéсте сем, аз же не вéдех. И убо́йся, и рече́: я́ко стра́шно мéсто сиe; несть сиe, но дом Бóжий и сия́ вратá Небéсная.

Прорóчества Иезекíилева чтéние.

Тáко глаго́лет Госпóдь: б́удет от дне осма́го и прóчее, сотвор́ят иере́и на олта́ри́ всесожжéния ва́шего и я́же спасéния ва́шего, и приму́ вы, глаго́лет Адонай́ Госпóдь. И обрат́и мя на путь врат́ свят́ых внéшних, зря́щих на востóки, и сия́ б́яху затворéна. И рече́ Госпóдь ко мне: вратá сия́ затворéна б́удут и не отвéрзутся, и никто́же прóйдет сквозé их; я́ко Госпóдь Бог Изра́илев прóйдет íми, и б́удут затворéна. Я́ко игу́мен сядет в

них снёсти хлеб, по путі Ела́мских врат внідет и по путі егó изы́дет. И введé мя по путі врат святы́х, сущих к се́веру, пря́мо хра́му, и ви́дех, и се испо́лнь сла́вы храм Госпо́день.

Прі́тчей чтéние.

Премúдрость созда́ Себе́ дом и утверди́ столпóв седьмь. Закла́ Своя́ жéртвенная, и раствори́ в чаши Своёй вино́, и угото́ва Свою́ трапéзу. Посла́ Своя́ рабы́, созыва́ющи с вы́соким проповéданием на ча́шу, глаго́лющи: и́же есть безúмен, да уклони́тся ко Мне. И тре́бующим ума́ рече́: прииді́те, яди́те Мой хлеб, и пи́йте вино́, е́же раствори́х вам. Оста́вите безúмие, и жи́ви бúдете, и взыщі́те ра́зума, да поживе́те и испра́вите ра́зум в вéдении. Наказу́яй злы́я, при́имет себе́ безче́стие; облича́яй же нечесті́ваго, опорóчит себе́, обличе́ние бо нечесті́вому ра́ны е́му. Не облича́й злых, да не возненави́дят тебе́. Облича́й премúдра, и возлю́бит тя. Дажь премúдрому вино́, и премúдрший бúдет. Сказу́й пра́ведному, и приложі́т приима́ти. Нача́ло премúдрости страх Госпо́день и сове́т святы́х ра́зум. Разуме́ти бо зако́н по́мысла есть благо́го. Сим бо о́бразом мно́гое поживе́ши вре́мя, и приложáтся тебе́ ле́та живота́.

На литии стихиры, глас 5:

Приидите, преславное чудо видяще, Богородице Деве поклонимся, Ева бо первая грехом смерти вкуси, Пречистая же Марія яко Ева вторая Жизнь подаёт Божественнаго Сына Своего Крестом и Воскресением, егоже радостно величаем.

Радуйся, Госпоже Всемилостивая, Живоносный источник, струи щедрот точащий верным, радуйся обители Десятинныя твердое ограждение, иноков наставнице и в подвизех укрепление, радуйся, всех помощи, радости и спасение душ наших.

Видяще Тя ныне на иконе с Предвечным Младенцем, просим Тебе, Богоневесто: не лишй нас и в будущем веке всеблаженного лицезрения Твоего и Воплотившагося от Тебе Сына Божия, да со благоугодившими Ему имя Его и Твое величаем.

Слава, и ныне, глас 5:

Радуйся, Препрословенная Богородице Дево, радуйся, молящихся ободрение, радуйся, бесом устрашение и кающимся прибежище, радуйся, источник благодати в дивнем Твоем образе даровавшая, имже обитель наша духовно украшается.

На стиховне стихиры:

Воскресна Осмогласника, глас 6:

Воскресѣние Твое Христѣ Спасе, ангели поют на небесѣх, и нас на земли сподоби, чистым сердцем Тебѣ славити.

И Богородицы сия, глас 5:

Под кров Твой, Богородице Дѣво, прибегают православної людие, и вопиют согласно: просвети нас светом Сына Твоего, грешных раб Твоих, молящихся прилежно и кланяющихся иконе Твоей многоцелѣбней, просящих от Тебѣ прияти великия милости.

Стих: Помяну имя Твое во всяком роде и роде.

Радуйся, Всемилостивая Госпоже Богородице, иноков наставнице и промышление; радуйся, всех поможце, просящих от Тебѣ прияти великия милости.

Стих: Слыши, Дщи, и виждь, и приклони ухо Твое.

Радуйся, преславно дожди уставляющая, и сердца от мрака уныния изымаяющая, от скорби же души избавляющая, молитвенныя воздыхания приемлющая, Богородице преславная, просящих от Тебѣ прияти великия милости.

Слава, глас тойже:

Ниц падóша жены́ во стра́се, егда́ в видéнии узрéша Тя в скýнии на мéсте, иде́же бе прéжде храм Твой, Преблагословéнная Богорóдице, и испóлнишася сердца́ их умилéния и благоговéния, и рáдости духóвныя о сичевóм посещéнии.

И ныне, Триоди, глас 5:

Воскресéния день, и просветímся торже- ствóм, и друг дрúга обýмем. Рцем брáтие, и ненавídящим нас, простím вся Воскресéнием, и тáко возопийм: Христóс воскресе из мёрт- вых, смёртию смерть попрáв, и сýщим во гробéх живóт даровáв.

И тропарь Пасхи, глас 5:

Христóс воскресе из мёртвых, смёртию смёрть попрáв, и сýщим во гробéх живóт даровáв (трижды).

Слава, и ныне, тропарь Богородице, глас 4:

Днёсь свéтло красúется град Кйев, ликúя слáвному Твоемú явлéнию, Влады́чице, Деся- тинной бо обýтели мýлость Твою́ посýла- еши, и нас от всякия беды́ избавля́еши. О, Пречы́стая Мáтерь Свéта, в пёснях воспéтая, избáви от болéзней и скóрбей всех, прýсно моля́щихся Тебé.

НА УТРЕНИ

Начало Пасхальное, со стихи.

Слава: Богородице тропарь, глас 4:

Днёсь свѣтло красуется град Кіев, ликую славному Твоему явлению, Владычице, Десятинной бо обители милость Твою посылаеши, и нас от всякия беды избавляеши. О, Пречистая Матерь Света, в песнях воспета, избави от болезней и скорбей всех, присно молящихся Тебе.

И ныне: Богородичен Воскресный, глас 6:

Благословенную нареки Твою Матерь, пришел еси на страсть вольным хотением, возсияв на Кресте, зыскати хотя Адама, глаголя Ангелом: срадуйтесь Мне, яко обретесе погибшая драхма. Вся мудре устроивый, Боже наш, слава Тебе.

И паки: Христос Воскресе: весь до конца.

Ектения великая, и абие полиелей.

Величание Богородице:

Величаем Тя, Пресвятая Дево, Богоизбранная Отроковице, и чем образ Твой святый, имже точиши исцеления всем, с верою притекающим.

Псалом избранный: Помяни, Господи, Давида и всю кротость его.

По полиелеи седален, глас 4-й:

Рáдости винá Всеблагословéнная, рáдуйся, Всенепорóчная, рáдуйся, Благодáтная, держáва нáша и ограждéние и спасíтельное прибéжище íноков и бельцóв, спасí ны, рабы́ Твоя́, не имúщия пáче Тебé к Бóгу пóмощи, на Тя бо надéемся и не постыдímся во вéки.

Слава, и ныне: тойже.

Степенна: 1-й антифон 4-го гласа: От юности мояя:

Прокимен, глас 4: Помяну́ имя Твое́ во всяком роде и роде.

Стих: Лицú Твоему́ помóлятся богáтии лúдстии.

Евангелие: от Луки, зачало 4. И абие:

Воскресéние Христóво вíдевши, поклонímся Святóму Гóсподу Иисúсу, едíному безгрéшному, Крестú Твоему́ поклоня́емся, Христé, и святóе Воскресéние Твое́ поём и сла́вим: Ты бо еси́ Бог наш, рáзве Тебé инóго не зна́ем, имя Твое́ именúем. Приидíte вси вёрнии, поклонímся Святóму Христóву Воскресéнию: се бо при́иде Крестóм рáдость всему́ мíру. Всегда́ благословя́ще Гóспода, поём Воскресéние Егó: распя́тие бо претерпéв, смёртию смерть разруш́и (трижды).

Слава, Молитвами Богородицы:

И ныне, Молитвами Богородицы.

Помилуй мя, Боже: **И стихира, глас 6:**

Явлением Твоим, Богомати Всехвальная, обители Десятинная благодатно начало положила еси и молящихся пред образом Твоим дивным благословила еси, к свету вышняя славы, Богородице, верная возводящи.

Каноны на 14: Пасхи, глас 1, без Богородичнов, на 8 (ирмосы по дважды, тропари на 6), и Богородицы, глас тойже, на 6. Катавасия: ирмоса канона Пасхи, и тропарь Христос воскрес: весь, трижды.

Канон Пасхи, глас 1.

Песнь 1.

Ирмос: Воскресения день, просветимся, людие. Пасха, Господня Пасха: от смерти бо к жизни, и от земли к небеси, Христос Бог нас преведе, победную поющия.

Очистим чувства, и узрим неприступным светом Воскресения, Христа блистающая, и радуйтеся, рекуща, ясно да услышим, победную поюще.

Небеса убо достойно да веселятся, земля же да радуется, да празднует же мир, видимый же весь и невидимый: Христос бо воста, веселие вечное.

И Богородице канон, егоже краегранесие:
БОГОРОДИЦЕ ДЕВО СОХРАНИ
ОБИТЕЛЬ ДЕСЯТИННУЮ.

Песнь 1.

Глас 1. Ирмос тойже.

Благáго Царя́ Благáя Мáти, Яже всем благопослу́шная в прошéниих и всесýльная в благодея́ниих, благодáть свéта Твоегó и нам возсия́й, и облагодати́ днесь песнь Тебé пéти, о Богоблагодáтная, Дéво и Богорóдица Преслáвная.

О, Богоневéстная Влады́чице, Ед́ина еси́ Ты вели́чие нáше и похва́ла с Бóгом, Тобóю бо от бед спаса́емся, и к Тебé прибега́ем, и приле́жно мо́лимся: избáви рабы́ Твоя́ вéчнаго мучéния, воспева́ющия Твоя́ чудеса́, Дéво и Богорóдице Преслáвная.

Госпожé áнгелов, мýсленный киво́те, закóннаго пáче киво́та пречи́стый Твой о́браз неизречéнными чудесы́ и благодáтьми Бóг украси́ и прослáви. Со áнгелы о нас Емý, о Всепéтая, моли́ся, слáвлящих спаси́тельное Егó смотре́ние, и Твоé éже бы нам спасéние уллучи́ти, Дéво и Богорóдице Преслáвная.

О, Богородительнице, радости Подательнице, верою славящая Тя и от души поющая радости неизреченныя исполни, и Света не вечерняго сподоби, Благодатная, Дево и Богородице Преславная.

Песнь 3.

Ирмос: Приидите, пиво пием новое, не от камене неплодна чудодеемое, но нетления источник из гроба одождивша Христа, в Немже утверждаемся.

Нине вся исполнишася света, небо же и земля, и преисподняя: да празднует убо вся тварь востание Христово, в немже утверждается.

Вчера спогребохся Тебе Христе, совостаю днесь воскресшу Тебе, сраспинахся Тебе вчера, Сам мя прослави Спасе во Царствии Твоем.

Богородице канон, ирмос тойже.

Раболепно служат Тебе ангельстии чинове, Царице Небесная, людие же благоговейно почитают всечестную икону Твою, воспевающе Тя, яко Заступницу Преплагую рода христианского.

От святых икон, юже яви яко прибежище верным, богатство милосердия Твоего, Богородительнице, из града Киева повсюду

блистаёт. Сего ради, чающе избавитися Тобою от всех бед, Преблагословенная Девы и Мати, вернии поют Тя, яко Заступницу Преблагую рода христианского.

Десятинныя иконы Преблагословенныя Божия Матере велика благодать, и чудеса в ней, яко море неизчерпаемое приходящим верою. Приёмлют бо утешение, в напастех избавление и защищение скорое молящихся Тебе яко Заступнице Преблагой рода христианского.

Имамы бисер многоценный, обители нашея славное украшение, образ Приснодевы дивный, от негоже благодать обильно подаётся всем верою Богородице молящимся, яко Заступнице Преблагой рода христианского.

Кондак, глас 8:

Аще и во гроб снишёл еси, Безсмертне, но адову разрушил еси силу, и воскресл еси, яко победитель, Христэ Бже, женам мирносицам вещавый: радуйтесь, и Твоим апостолом мир даруяй, падшим подай воскресение.

Икос: Еже прежде солнца Солнце зашедшее иногда во гроб, предвариша ко утру, ищущия яко дне мирносицы девы, и друга ко друзей

вопιάху: о другіни! Приидіте, вонями помá-
жем тéло живонóсное и погребéное, плоть
воскресівшаго пáдшаго Адáма, лежáщую
во грóбе. Идем, потщímся я́коже волсвї, и
поклонímся, и принесém мїра я́ко дáры, не
в пеленáх, но в плащанїце обвїтому, и плá-
чим, и возопійм: о Влады́ко, востáни, пáдшим
подай воскре́сение.

Ипако́й, глас 4:

Предварівшия ўтро я́же о Марїи, и обрét-
шия кáмень отвалén от грóба, слы́шаху от
А́нгела: во свéте присносúщнем Сúщаго, с
мёртвыми что и́щете, я́ко челове́ка? Вїдите
грóбныя пелены́, тецы́те и мїру проповéдите,
я́ко востá Господь, умертвївый смерть, я́ко
есть Сын Бóга, спаса́ющаго род челове́ческий.

Слава, и ныне: Седален Богородицы, глас 4:

Днесь обїтель Десятінная рáдости испол-
няется, светолéпно прáзднующи торжество́
Богомáтери, пред óбразом Ея́. Монáси и вси
лю́дие правослáвнии Царїце Небéсней вéрою
взывают: светодáтельною Твоéю и Божé-
ственною осенї благодáтию, я́ко Благодéтеля
всех рóждшая, и покрый и сохрани́ от всех
навёт вра́жиих.

Песнь 4.

Ирмос: На Божественней стражи богоглаголивый Аввакум да стáнет с нáми, и покажет светонóсна Ангела, ясно глаголюща: днесь спасéние мíру, я́ко воскресé Христóс, я́ко всесýлен.

Мúжеский úбо пол, я́ко развёрзый дéвственную утрóбу, явísся Христóс: я́ко человек же, А́гнец наречéся: непорóчен же, я́ко невкúсен сквёрны, нáша Пáсха, и я́ко Бог ýстинен совершён речéся.

Я́ко единолётный а́гнец, благословénный нам венéц Христóс, вóлею за всех заклán бысть, Пáсха чистítельная, и пáки из грóба крáсное прáвды нам возсия Сóлнце.

Богоотец úбо Давíд пред сéнным ковчéгом скакáше играя, лúдие же Бóжиеи святíи, образóв сбытíе зряще, веселímся Божéственне, я́ко воскресé Христóс, я́ко Всесýлен.

Богородице канон, ирмос тойже.

Цвёте дéвства и чистоты́, пред óбразом Твоím чудотвóрным, ýже благодáтию духóвно обновлáет зéмлю Кíевскую, молítвам молящихся внéмлющая, мóлим Тя прилéжно: мíром благословí, Пречýстая, достоя́ние Твоё.

Едина Всепетая Богомати, благочестно отвсюду к пречестней Твоей иконе притекающих и усердно поклоняющихся, и верно везде Тя призывающих предвари, от бед всяких спасаючи, и лютых недугов избавляючи, и духи лукавыя прогоняючи, тишину и здравие подаючи всем, Владычице, взывающим: миром благословий, Пречистая, достояние Твое.

Дева Пренепорочная, Преславная Богородице, не забуди нас, верою поющих Тя рабов Твоих, но помолися за ны и не отрини молитвы наша, и миром благословий, Пречистая, достояние Твое.

Елицы во обитель Десятинную притекают вернии, икону Твою честную лобзаяще и Тебе кланяющиеся, Богородице Дево Преславная, достойных словес о прославлении Тебе не обретают, но, благоговейныя слезы Тебе приносят, моляще: миром благословий, Пречистая, достояние Твое.

Песнь 5.

Ирмос: Утренюем утреннюю глубокую, и вместо мира песнь принесем Владыце, и Христа узрим правды Солнце, всем жизнь возсияющая.

Безмёрное Твоё благоутроби́е, а́довыми
у́зами содержи́мии зря́ще, к свѣту идя́ху Хри-
сте́, весѣлыми нога́ми, Па́сху хва́ляще вѣчную.

Присту́пим священос́нии, исходя́щу Хри-
сту́ из гроба́, я́ко жениху́, и спрэднуем
любопразднственными́ чини́ми Па́сху Бо́жию
спаси́тельную.

Богородице канон, ирмос тойже.

Всесвятáя Дѣво, к Твоѣй блага́сти притека́ем,
и о́чи серде́ц на́ших возво́дим к Тебе́, Чи́стая,
и с пла́чем колѣна преклоня́юще, мо́лим Тя:
не прѣзри, мо́лим, на́шего воздыха́ния, и бу́ди
нам Покро́в и Помо́щница в день Су́дный.

Омрачи́хомся по́мыслы, отягчи́хомся грехи́,
недоуме́ем светно́сныя благода́ти и ми́лости
Твоея́ испове́дати, Влады́чице, но, о Пресвятáя
Дѣво, просвети́ нас и обогати́ та́инственными
Твои́ми дарова́нии божѣственных желáний.
Не прѣзри, мо́лим, на́шего воздыха́ния, и бу́ди
нам Покро́в и Помо́щница в день Су́дный.

Стезю́ небѣсную шѣстовати да́ждь нам нена-
вѣтно, Преслáвная Богоро́дице, на божѣствен-
ная дея́ния нас укрепля́ющи, я́ко да Твои́м,
Дѣво, заступле́нием злоко́зненнаго диа́вола
путѣй уклóньшеса, присносу́щныя сла́вы

бúдем óбщницы. Не прéзри, мóлим, нáшего воздыхáния, и бúди нам Покрóв и Помóщница в день Сúдный.

О, Богомáти Пречы́стая, Ед́ина еси всех христиáн Предстáтельница, услы́ши молéние нáше, возр́и на ны, Всепéтая, спаси́ град Твой и обíтель Твою́, и озари́ ста́до Твое́ зарéю благодáти Твоегó заступлéния. Не прéзри, мóлим, нáшего воздыхáния, и бúди нам Покрóв и Помóщница в день Сúдный.

Песнь 6.

Ирмос: Снизшéл еси́ в преиспóдня земли́, и сокрушил еси́ верей вéчныя, содержа́ция связа́нныя, Христé, и триднéвен, я́ко от ќита Ио́на, воскрéсл еси́ от грóба.

Сохранív цéла зна́мения Христé, воскрéсл еси́ от грóба, ключи́ Дéвы не вредívый в рождествé Твоём, и отвéрзл еси́ нам ра́йския двéри.

Спа́се мой, живóе же и нежéртвенное заколéние, я́ко Бог Сам Себé во́лею привéд Отцú, совоскреси́л еси́ всерóднаго Ада́ма, воскрéс от грóба.

Богородице канон, ирмос тойже.

Христá Бóга благодаря́ще, притецём, лю́дие, к Богорóдице Приснодéве, и к То́я

чудотворней иконе Десятинней умильно взирающе, припадём и возопиём: о Владычице Марие, дивно женам иногда явльшаяся, спасай в мире обитель нашу, всех христиан православных наследники показующи небесныя жизни. Тебё бо верно зовём: радуйся, Дево, мира спасение.

Рабы Твоя, Чистая, поющия Тя и верою несумненною молящияся Тебё, светодательною Твоею и Божественною осенённая благодатию, яко Благодетеля всех Родшая, и покрый и сохрани от всех навет вражиих. Тебё бо верно зовём: радуйся, Дево, мира спасение.

Ангельским ликом виновно есть радости Твоего, Владычице, настоящего торжества славословие: сии бо днесь движутся к похвалению. Мы же, брэннии, что Ти принесём? Точию усёрдная благодарствия. Тебё бо верно зовём: радуйся, Дево, мира спасение.

Не забуди нас, Твоя рабы, верою поклоняющияся чудотворной Твоей иконе и благочестно воспевающия Тя, и избави ны, Госпоже, от всех бед и напастей. Тебё бо верно зовём: радуйся, Дево, мира спасение.

Кондак Богородице, глас 1:

От святаго образа Твоего, Богородице Дево, благодать Святаго Духа истекает обильно с верою и покаянием притекающим к нему. Темже и мы прославляем чудеса Твоя, во умилении зовуще: буди спасения нашего Ходатаица, благодатию Твоею, Владычице Пречистая.

Икос:

Ангелов по благодати превосходящую Приснодеву и Богородицу пред образом Ея дивным, иже во обители Десятинной прославися, воспеваем званиями сими: Радуйся, Небесная Царице, Господа Бога Мати и Творца всяческих; радуйся, дарованная от Бога Предстательнице роду христианскому. Радуйся, всерадостное ангелом пение; радуйся, всежелательное всего мира зрение. Радуйся, неподвижимое веры благочестия основание; радуйся, всесветлое благодати познание. Радуйся, Божие к земным благоволение; радуйся, земных к Богу возведение. Радуйся, озлобленным душам утешение; радуйся, всем верным скорое поможение. Радуйся, Дево, обители нашея основание и упование.

И стихиру сию воскресную, глас 6:

Воскрѣс Иисусъ от грѣба, якоже проречѣ, даде нам живѣтъ вѣчный и вѣлию мѣлость (трижды).

Песнь 7.

Ирмос: Отроки от пѣщи избавивый, быв Человѣкъ, страждет яко смѣртен, и страстию смѣртное, в нетлѣния облачит благолѣпие, Единъ благословѣн отцевъ Бог, и препрославлен.

Женѣ с мѣры богомудрыя в след Тебѣ течѣху: Егѣже, яко мѣртва, со слезѣми искаху, поклонѣшася радующияся Живоуму Богу, и Пасху тайную Твоимъ, Христѣ, ученикомъ благовѣстѣша.

Смѣрти праздноумем умерщвлѣние, адово разрушѣние, иногѣ житѣя вѣчнаго начѣло, и играюще поемъ Винѣвнаго, Единаго благословѣннаго отцевъ Бога, и препрославленнаго.

Яко воистинну свящѣнная, и всепразднственная сѣ спасѣтельная ночь, и светозѣрная, светонѣснаго дне, востѣния сущи провозвѣстница: в нѣйже безлѣтный Свет из грѣба плѣтски всемъ возсѣя.

Богородице канон, ирмос тойже.

Извѣстная вѣрныхъ Помощнице и всехъ благѣхъ Подѣательнице, приимѣ насъ, вѣрно припадающихъ и любѣвию вопѣющихъ Ти: Помѣлуй насъ,

Госпожé, помíлуй нас, я́коже днесь, та́ко и во о́ный век, не отврати́ Лица́ Твоего́ от людей правосла́вных.

Отвэ́рзи днесь двéри Мíлости Твоея́, Ма́ти Бо́жия Благосéрдая, от мýсленных волко́в исхити́, хотя́щих нас поглотíти и до конца́ погубíти. Помíлуй нас, Госпожé, помíлуй нас, я́коже днесь, та́ко и во о́ный век, не отврати́ Лица́ Твоего́ от людей правосла́вных.

Богома́тере пречу́дное явлéние жена́м воспомина́юще, на высотú добродéтелей взы́дем и ум на не́бо возведéм, взыва́юще: Помíлуй нас, Госпожé, помíлуй нас, я́коже днесь, та́ко и во о́ный век, не отврати́ Лица́ Твоего́ от людей правосла́вных.

Изря́днии чíнове небéснии благоговéют пречестно́му Твоему́ о́бразу, Всечы́стая. Земнорóднии же благодáти и мíлости и́щуще, со умилéнием взыва́ют: Помíлуй нас, Госпожé, помíлуй нас, я́коже днесь, та́ко и во о́ный век, не отврати́ Лица́ Твоего́ от людей правосла́вных.

Твой о́браз А́нгелом говéйный, Пренепоро́чная Влады́чице, неизречéнною прýсно

благодатию сияет и силою: днесь бо тогó даровáнии земнѣя просвещáеши, и к небѣсным наставляеши, и к вѣчному животу́ устройеши за неизглагóланную Твою́ блáгость, Богоблагодáтная, молящихся: Помѣлуй нас, Госпожé, помѣлуй нас, я́коже днесь, тáко и во óный век, не отврати́ Лицá Твоегó от людѣй правослáвных.

Естество́м Бог Сый и Человѣк Сый, Сын Твой, смѣрть Попрáвый, Богомáти, пречѣстый Твой образ оста́ви нам я́ко дар многоцѣнный! Благодатию пáче со́лнца обрѣтесе́ сияющь, и вѣрныя просвещáющь, вѣрою пою́щия: Помѣлуй нас, Госпожé, помѣлуй нас, я́коже днесь, тáко и во óный век, не отврати́ Лицá Твоегó от людѣй правослáвных.

Песнь 8.

Ирмос: Сей наречѣнный и святѣй день, едѣн суббóт царь и госпóдь, прáздников прáздник и торжество́ есть торжѣств, вóньже благословѣм Христá во вѣки.

Приидѣте, нóваго виногрáда рождѣния, Божѣственнаго весѣлия, в нарóчитом дни Воскресѣния, Цáрствия Христóва приобщѣмся, пою́ще Егó я́ко Бóга во вѣки.

Возведи́ о́крест о́чи твои́, Сио́не, и виждь: се бо приидо́ша к тебе́, я́ко богосвѣтлая свѣтила, от за́пада, и се́вера, и мо́ря, и восто́ка ча́да тво́я, в тебе́ благословя́щая Христа́ во ве́ки.

Тро́ичен: О́тче Вседержи́телю, и Сло́ве, и Ду́ше, тремі́ соединя́емое во Ипостáсах Есте́ство, Пресу́щественне и Пребоже́ственне, в Тя кресті́хомся, и Тя благослови́м во вся ве́ки.

Богородице канон, ирмос тойже.

Любо́вию те́плою возлюби́ла еси́ оби́тель Твою́ Десяти́нную, Бо́га Сло́ва ро́ждшая Ма́ти, дарова́вши ей пречестну́ю Свою́ ико́ну, е́юже мно́гая чудеса́ Тя призыва́ющим явля́еши, ве́рныя огражда́еши, и пода́еши спасе́ние и утвержде́ние с моли́твою взыва́ющим: Го́спода по́йте и превозно́сите во вся ве́ки.

Де́во Чи́стая, кре́пость да́руй нам твори́ти во́лю Сы́на Твоего́ со стра́хом и любо́вию, укрепля́еши бо рабы́ Тво́я, я́ко Ма́терь Вы́шняго Царя́; и украси́ ны духо́вными пло́дами, да, облагодáтствовании чрез Тебе́ Бого́м, по́ем: Го́спода по́йте и превозно́сите во вся ве́ки.

Еди́на Всечи́стая и Преблагословѣ́нная, стра́шней Та́йне Боговопло́щения послужи́ла

есі, Богорóдице Дéво, Óгнь Божества́ во чрэве
Твоём неопáльно поносівши. Тебé ráди вопи-
ём: Гóспода пойте и превозносíte во вся вéки.

Свёта Невечёрняго Мáти Всепéтая, ráди
любвё и мýлости Твоея́ неизречénныя явйла
есі пáче естества́ зна́мение жена́м близ ико́ны
Твоея́, я́ко да возсияет благодáтию в землі
Кйевстей на мéсте дрéвнем обíteль Десятн-
ная вóлею Сы́на Твоего́ и Бóга, Пречй́стая,
лю́дие же правосла́внии да воззову́т: Гóспода
пойте и превозносíte во вся вéки.

Я́же во ико́не Своёй дй́вней благословéнием
Благодáтным осеняет правосла́вно чту́щих Ю,
возсла́вим Мáтерь Бóжию, я́ко Богорóдицу и
Приснодéву. Воспоём щедрóты Ея́, я́ко исце-
лéние боля́щим радóстно подаёт: óбщая бо
всех Засту́пница восхотé бы́ти взыва́ющих:
Гóспода пойте и превозносíte во вся вéки.

Телесé Твоего́ чистото́ю вся небеса́ возве-
селй́вшая, обíteлей святых́ Покрóв и снаб-
дéние, богобóязненных й́ноков и й́нокинь
Настáвнице. Не лишй́ нас мáтерняго Твоего́
заступлéния, пою́щих: Гóспода пойте и пре-
возносíte во вся вéки.

На 9-й песни Честнейшую не поем,
но припевы праздника.

Песнь 9.

Ирмос: Свети́ся, свети́ся, но́вый Иерусали́ме: сла́ва бо Господня на тебе́ возсия́. Ликуй ны́не и весели́ся, Сио́не. Ты же, Чи́стая, красуйся, Богороди́це, о воста́нии Рожде́ства Твоего́.

О Божественнаго, о любезнаго, о сладчайшаго Твоего́ гла́са! с нами́ бо неложно обеща́лся еси́ бы́ти, до сконча́ния ве́ка Христе́: Его́же ве́рнии, утвержде́ние наде́жди иму́ще, радуемся.

О Па́сха ве́лия и священнейшая, Христе́! о му́дросте, и Сло́ве Бо́жий, и си́ло! Подавай нам и́стее Тебе́ причаща́тися, в невече́рнем дни́ Ца́рствия Твоего́.

Богородице канон, ирмос тойже.

Ико́ны Твоея́ Десяти́нная, Всеблагая́ Богороди́це, пра́здник днесь соверша́ем духо́вно, пе́сни хвале́бные принося́ще, с безплотными ли́ки Тя велича́юще.

Неопа́льно о́гнь Божественный на руку́ Своёю держа́щей Тебе́, и нас хла́дных тем воспаменя́ющей любве́ ра́ди ве́рнии венце́ словесный исплета́ху, пе́сни хвале́бные принося́ще, с безплотными ли́ки Тя велича́юще.

Нѣне ликует дѹхом правосла́вная землѧ Кѣевская, ꙗко имѣет сокрѡвище духѡвное, всечестнѹю ико́ну Твою́ Десятѣннѹю. Пред неюже тѣплѹю моли́тву творѧт вѣрнии, с безплѡтными лики Тя велича́юще.

Услѣши моленія на́ша, пред ѡбразом Твоѣм чудотвѡрным приносѣмыя, и сподѡби нас вѣчно пребѣвати в Цѧрстве Сѣна Твоегѡ, с безплѡтными лики Тя велича́юще.

Ю́же даровѧл есѣ, Гѡсподи, мѣлостивѹю моля́щихся Услѣшательницу, сѣльнѹю беззащѣтным Защѣтницу, и тѣплѹю христиѧн правосла́вных Предстѧтельница, Богородицу Еди́ну Всепѣтѹю и Преблагословѣннѹю воспѣвѧем, с безплѡтными лики Ю́ велича́юще.

По 9-й песни ексапостиларий Пасхи. Самогласен:

Плѡтию уснѹв, ꙗко мертв, Царю́ и Гѡсподи, триднѣвен воскрѣсл есѣ, Ада́ма воздвѣг от тли, и упразднѣв смерть: Пѧсха нетлѣния, мѣра спасѣние.

Слава, светилен Богородице, глас 8:

Просветѣ нас Твоѣм свѣтом, Всечѣстая, приклонѣ слух Твой и да́ждь нам рѹку по́мощи, вѣмы бо и исповѣдуем, ꙗко вѣлие ѣмамы сокрѡвище Твоегѡ за нас к Бѡгу

ходатайства, Всеблагая Богородице, Утешения Подательнице.

И ныне, паки:

Плотию уснуv, яко мертв, Царю и Господи, триднeвен воскрeсл еси, Адама воздвиг от тли, и упразднил в смерть: Пасха нетления, мира спасение.

На хвалитех поем стихиры воскресны
(Триоди) 4, глас 6:

Крест Твой Господи, жизнь и воскресение людем Твоим есть, и надеющиеся на ны, Тебе воскрeшаго Бога нашего поем: помилуй нас.

Погребение Твое Владыко, рай отверзе роду человеческому: и от истления избавльшися, Тебе воскрeшаго Бога нашего поем: помилуй нас.

Со Отцем и Духом Христа воспойм, воскрeшаго из мертвых, и к Нему вопийм: Ты живот еси наш, и воскресение, помилуй нас.

Триднeвен воскрeсл еси Христe от гроба якоже писано есть, совоздвигнувый праотца нашего. Темже Тя и славит род человеческий, и воспеает Твое Воскресение.

И Богородицы стихиры 4, глас 8:

Ликуй ныне и веселися, граде Кіеве, яко восприял еси во обители Десятинней свѣше просиявшую Божественную зарю, чудес благодать изливающую. Красуйся и светло торжествуй, пречестная обитель Богоматере, яко уяснися твоя доброта прекрасно: имееши бо в себе велие сокровище духовное, дивную икону Владычицы, Ёюже, Пресвятая Дево, спаси души наша, яко Благая.

Преславно, Богоневесто, Тобою хвалится обитель Десятинная, яко имеет в себе чудотворную Твою икону, от неяже неизреченныя цельбы приемлюще, благодарственная вопиём Тебе, умильно моляще Тя: Пресвятая Дево, спаси души наша, яко Благая.

Владычице Пречистая, миру державная Помощнице, укрепи братию нашу на враги, якоже иногда кроткаго Давида. И спаси страну нашу от противных нашествия и соблюди от всех навет вражиих. О, Богоневестная Пресвятая Дево, спаси души наша, яко Благая.

О, преславнаго чудесе! Премирная радость свѣше просия нам — икона Богоматере, подающи народу нашему просвещение, и

благочестию утверждение, и верным спасение, Божие сие дарование земным даровася. О немже радуящися, Владычице, молим: Пресвятая Дево, спаси души наша, яко Благая.

И стихиры Пасхи, глас 5:

Стих: Да воскреснет Бог, и расточатся врази Его.

Пасха священная нам днесь показася, Пасха нова святая, Пасха таинственная, Пасха всечестная. Пасха Христос Избавитель, Пасха непорочная, Пасха великая, Пасха верных. Пасха двери райския нам отверзающая. Пасха всех освящающая верных.

Стих: Яко исчезает дым, да исчезнут.

Приидите от видения жены благовестницы, и Сиону рците: прими от нас радости благовещения, Воскресения Христова: красуйся, ликуй и радуйся, Иерусалиме, Царя Христа узрев из гроба, яко жениха исходяща.

Стих: Тако да погибнут грешницы от Лица Божия, а праведницы да возвеселятся.

Мирносицы жены, утру глубокую, представша гробу Живодавца, обретоша Ангела на камени сидяща, и той провещав им, сиче глаголаше: что ищите Живаго с мертвыми? что плачете Нетленного во тли? Шедше, проповедите учеником Его.

Стих: Сей день, егѡже сотвори Господь, возрадуемся и возвеселимся в онь.

Пасха красная, Пасха, Господня Пасха! Пасха всечестная нам возсия. Пасха, радостию друг друга обьемем. О Пасха! Избавление скорби, ибо из гроба днесь, яко от чертога возсияв Христос, жены радости исполни, глаголя: проповедите апостолом.

Слава и ныне: глас 5:

Воскресения день, и просветимся торжеством, и друг друга обьемем. Рцем братие, и ненавидящим нас, простим вся Воскресением, и тако возопийм: Христос воскресе из мертвых, смертию смерть поправ, и сущим во гробех живот даровав.

Таже тропарь Пасхи, глас 5:

Христос воскресе из мертвых, смертию смерть поправ, и сущим во гробех живот даровав (трижды).

Слава, и ныне, Богородице тропарь, глас 4:

Днесь светло красуется град Киев, ликуя славному Твоему явлению, Владычице, Десятинной бо обители милость Твою посылаеши, и нас от всякия беды избавляеши. О, Пречистая Матерь Света, в песнях воспетая, избави от болезней и скорбей всех, присно молящихся Тебе.

Ектении и отпуст.

ЧАСЫ ПАСХИ.

НА ЛИТУРГИИ

Антифоны праздничные.

Входное: В цёрквах благословіте Бóга, Гóспода от истóчник Изра́илевых.

По входе: Тропарь Пасхи, глас 5: Христóс воскрéсе: (трижды), ипакои Пасхи, глас 4-й: Предварíвшия úтро: тропарь Богородицы, глас 4-й: Днесь свéтло красúется град Кíев: Слава, кондак Пасхи, глас 8: Аще и во грóб: И ныне, кондак Богородицы, глас 1: От святаго образа Твоего: Вместо Трисвятого: Елiцы:

Прокимен, глас 8: Во всю зéмлю изыде вещáние их, и в концi вселénныя глагóлы их. **Стих:** Небесá повéдают слáву Бóжию, творéние же руку́ Егó возвещáет твёрдь. **Иный прокимен глас 3:** Песнь Богородицы: Величит душá Моя́ Господа, и возрадовася дух Мой о Бозе, Спасе Моем. **Апостол:** дне, Деяний, зачало 7, и Богородицы, Филиписием, зачало 240. Аллилуиа, глас 1. Исповéдят небесá чудесá Твоя́ Гóсподи. **Стiх:** Бóг прославляемь в совете святых. **И Богородицы, глас 8:** Слыши, Дщи́, и виждь, и приклонi úхо Твоё.

Евангелие: дне, Иоанна, зачало 7, и Богородице, Луки, зачало 54. Задостойник Пасхи. Причастен Пасхи: Тело Христо́во приимíte, источника безсмертнаго вкусите. И Богородицы: Ча́шу спасéния прииму́, и имя Господне призову.

Тропарь, глас 4:

Днесь светло красуется град Киев, ликуя славному Твоему явлению, Владычице, Десятинной бо обители милость Твою посылаеши, и нас от всякия беды избавляеши. О, Пречистая Мать Света, в песнях воспетая, избави от болезней и скорбей всех, присно молящихся Тебе.

Кондак, глас 1:

От святаго образа Твоего, Богородице Дево, благодать Святаго Духа истекает обильно с верою и покаянием притекающим к нему. Темже и мы прославляем чудеса Твоя, во умилении зовуще: буди спасения нашего Ходатаица, благодатию Твоею, Владычице Пречистая.

Молитва

О, Пресвятая Дево, Мати Пречистая, Родительнице Невечерняго Света, Царица неба и земли! Ты явилася еси людям в Десятинной обители Твоей во граде Киеве, показавши нам милость Твою и утвердивши людей Своих в Православной вере. О, святая Госпоже и Царице Богородице, призри с высоты святая Твоея на нас, грешных рабов Твоих (имя рек), припадающих к цельбоносному образу Твоему. Услыши прошения наша, с верою и любовью приносимыя Тебе. Умоли Сына Твоего, Христа Бога нашего, да сохранит град сей [или: святую обитель сию, или: весь сию] и вся грады и страны от глада, губительства, земли трясения, потопа, огня, меча, нашествия иноплемеников и междоусобных брани! Подаждь благодать Твою рабом Своим, даруй любовь и смирение, мир, тишину и изобилие плодов земных. О, всемилостивая Дево Богородице, Ходатаице спасения нашего, умоли даровати нам наследие вечных благ Царствия Небеснаго, сохраняя нас под кровом Твоим, всегда, ныне и безконечныя веки. Аминь.